



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 28. & seqq. de Exemptione Clericorum

[urn:nbn:de:hbz:466:1-72506](#)

Selmon idem cum Hieronymo statuisse. Ipsa exscribere verba opus non est, neque instituti ratio requirit, cum satis esse possit, hos scriptores Papistas testimonium contra Bellarminum dedisse, aliosque Patres & Ecclesiae Doctores, eosque satis illustres loco Augustini nobis concessisse, quamvis nec ille in totum nobis sit contrarius, ut prolixè vidimus. Ut è recentioribus unum & alterum insuper audiamus interpretem, *Claudius Guillandus*, expositor scripturæ à Possevino insigniter laudatus, quamvis *Augustini* opinionem de Digamia succedaneā non reprobet, eam tamen, quæ digamiam simultaneam ab Apostolo tantum prohiberi adserit, in collationibus suis præponit sequentem causam prohibiti Apostolicreddens: *Hoc dixit, quia multi e tempore plures habebant uxores, imitantes, ut adserabant, Veteris Testamenti Patres. Ambrosius Catharinus, quem supra quoque testem habuimus, eti & is pro Augustini stet sententia, et tamen interferit, quæ nostro inservire possunt instituto, sequentia scribens: In lege Christiana nunquam fuit licitum, duobus eodem tempore copulari, nisi Iudeis forte ad cordis duritiam & ad tempus; & propter hos id forte dictum est, quo SALTEN digami arcerentur ab Episcopatu.* Juvat his tandem addere, quæ *Erasmus* ad hoc Pauli oraculum notavit: *Id nunc nimium dure, ne dicam ridicule, ad unum torquent Ecclesiam. Ad Chrysostomus interpretatur de unica uxore, quam habeat Episcopus; addens tamen, esse non-nulos, qui sic exponant, unius uxoris vi- rum, qui fuerit semel dyntaxat maritus. Et periclitatur Chrysostomus, ne Paulus exigere videatur ab Episcopo, ut uxorem habeat. At nunc non solum à tot Presbyteris exigitur castitas, verum etiam ab hypodiacaonis contractum dirimitur matrimonium. Quin id quoque vehementer adstringunt, quod eo seculo, quo summa erat Sacerdotum raritas, instituit Paulus servandum in Episcopis, ut non adiret hunc honorem digamus. Jam enim, cum tot sint Sacerdotum ubique millia, excludentur à Sacerdotio, quæ vel imprudentes duxerint corruptam; immo qui ante Baptismum habuerit uxorem, & à baptismo duxerit alteram priore defuncta, arceretur à Sacerdotio, licet hac in parte graviter reclamante Hieronymo. Quia illud magis mirum, cum tot egregias doites requirat Paulus in Episcopo, ceteris prætermis, solius uxoris habetur ratio. Admittitur incestus, admittitur homicida, admittitur pirata, admittitur Sodomita, sacrilegus, parricida; denique quis non? Solus excluditur digamus ab hoc honore, qui solus nihil admisit. Mirum est autem, ut quædam ut gemus, ac plus quam mordicus tenemus, ad quædam prorsus conniventes. Si quis perpendat horum temporum statum, quotam hominum portionem greges Monachorum occupent, quotam Sacerdotum & Clericorum collegia; deinde perpendat, quædam pauci è tanto numero verè servent viræ castimoniam, in qua libidinum genera quædam in numeri devergant, quanto cum probo complures palam incesti sint & impudici, fortassis judicabit magis expedire, ut iis, qui prorsus non continent, jus fiat publici matrimonii, quod absque malâ famâ purè sancteque colant potius, quædam infelicitate turpiter libidinarentur. Sed etiam arque etiam vereor, ne census Ecclesiastici castrorum hodie Clericos verius, quædam pietas, dum metujimus, ne, quod tenemus, interecipiantur, aut certè nihil accedar. Quibus Erasmi verbis toram hanc de coelibatu vel conjugio Clericorum tractationem ut potè notatu dignissimis claudere placet.*

CAPUT VIGESIMUM OCTAVUM & seqq.

De

Exemptione Clericorum,

et

In quo potestatis politica.

Qua Evangelicorum circa hanc Controversiam de Clericorum exemptione sit sententia, & qua in re à Doctoribus Papæis dissentiant, ipsa docet praxis. Quibus distinctionibus & limitationibus ea circumscribatur & de jure circumscribi debat, præter Theologos ante annos non ita multos peculiari tractatu ostendit celebris quidam Jurisconsultus, Clericorum & Pastorum inter Evangelicos causam, contra plendo-politicorum tyrannidem egregiè tuitus, laudem indè non parcam reporans. Nobis Augustini authoritas & hic attendenda venit, quam ex eo in primis loco, vid. Con. fil. Wit. ad quem Bellarminus in primæ propositionis demonstratione provocavit, suprà non reb part. II. semel vindicatam licet legere, nominatum, ubi de regimine Monarchico Ecclæsa, de Jure adpellationum, de Præside Conciliorum Generali, eorum-

Tomii II. Controversiae II.

254

que supra Romanum Pontificem potestate prolixius fuit actum, quibus si addantur, quæ ex aliis & parallelis Augustini locis in tractatione quæstionis de regimine secularium in Ecclesia fuere producta, præsentem quoque controversiam non parum illustrare possunt. Nunc ex abundanti illud adhuc subjungo, quod, cùm in hac quæstione primum meritissimo & classicum occuperet locum Apostoli oraculum, quo omnen sine omni exceptione animam potestatis sublimioribus vult subditam, præter alios interpres Papæos Eusthius ingenuè fateatur, omnes veterum commentatores, tam Græcos, quam Latinos, & in specie Augustinum statuisse, Paulum hoc loco de potestate tantum seculari agere, idque & contextum sermonis, & gladii ac tributorum umbrationem satis indicare. Quorsum pertinet, quod idem Doctor Augustus in hujus oraculi explicatione generatim bene monuit: *Cum constemus ex anima & corpore, quam diu in hac vita temporali sumus, rebus etiam temporalibus ad subsidium degende hujus vita utamur, oportet nos ex ea parte, quæ ad hanc pertinet vitam, subsidios esse potestatis, id est, hominibus res humanas cum aliquo honore administrantibus; ex illa verò parte, qua credimus Deo, & in regnum ejus vocamur, non nos oportet esse subsidios tuiquam homini, id ipsum in nobis evertere cupienti, quod Deus ad vitam aeternam donare dignatus est.* Et quia Bellarminus in quinta propositionis super hac controversia illustratione Christi in primis oraculum urget, quo liberos esse filios pronuntiavit, addita Augustini explicatione, placet eam huc adponere, ne quid in veritatis præjudicium docuisse videatur sanctus Pater, qui Christi verba sequentem in modum exposuit: *Quod dixit, liberi sunt filii, in omni regno intelligendum est, liberos esse regis filios, non vestigiales. Multò magis ergo liberi debent esse in regno terreno filii illius regis, sub quo sunt omnia terra regna.* Atqui Bellarminus & juxta ejus doctrinam Clerici Romanenses vix se solos Dei filios dicere audebunt, exclusis fidelibus ceteris omnibus; adeoque se etiam solos dicere non possunt liberos, àque omni potestatis politica jugo exemptos.

LIBRI SECUNDI,

De

MONACHIS,

CAPUT PRIMUM & seqq.

De

Nomine, Naturâ, Varietate, Confirmatione, Origine
Monachorum & religiosorum.

Ante-quam examen hujus controversiae, ut per breve & succinctum adgrediatur, quid de statu monachismi antiquorum, nominatum seculo Augustini, statuerint antehac evangelici confessores, tempore reformationis per Lutherum Dei organum inchoatae, opera pretium erit audire, qui mentem suam hac de re. Art. 6. ab sequentibus expresserunt verbis: *Augustini tempore libera erant Collegia; postea ubique corrupta disciplina, addita sunt vota, ut tanquam excogitato carcere disciplina restituatur.* Non attentis jam iis, quæ Bellarminus ex Augustino oppoluit, utpote quæ suo ordine & loco responsum accipient, id nunc ea inter in primis meretur observari, quod in Harmonia Confessionis Augustana, quam superiori adhuc seculo Andreas Fabricius, Leodus edidit, non solum in genere illa responsio, quæ nomine Imperatoris Caroli & Principum Romano-Catholicorum conscripta fuit, agnoscat, *Monasteria olim fuisse scholas literarum;* Johannes quoque Cochleus, juratissimus Augustana Confessionis & Evangelicorum hostis, in discussione hujus articuli, fateatur, *non solum olim, sed nostris adhuc temporibus, in Monasteriis, tam locupletibus, quam pauperibus, fuisse scholas doctrinae;* verum etiam Johannes à Daventria, in refutatione ejusdem, et si demonstrandum in se suscepit, *non Augustini solum tempore, sed & ante Evangelii initium fuisse religiosos, qui relictis rerum mundanorum vanitatibus voto sece obstrinxerint, dubitanterque scripsierit, incertum adhuc esse, an omnia tempore Augustini Collegia fuerint libera, cum certò constet, quod max post Apostolos solenem Monaci fecerint professionem;* illud tamen in veritatis gratiam sibi met